

Ўзбекистон Республикаси Президентининг Қирғиз Республикаси Президенти вазифасини бажарувчиси билан телефон оқали мулоқоти



Ўзбекистон Республикаси Президенти Шавкат Мирзиёев 14 ноябрь куни Қирғиз Республикаси Президенти вазифасини бажарувчиси Садир Жапаров билан телефон орқали мулоқот қилди.

Суҳбатда Ўзбекистон ва Қирғизистон ўртасидаги дўстлик, яхши қўшничилик ва стратегик шериклик муносабатларини янада ривожлантиришнинг долзарб масалалари кўриб чиқилди.

Мамлакатларимиз ўртасидаги амалий ҳамкорликни, аввало, савдо, саноат кооперацияси, қишлоқ хўжалиги, транспорт, ҳудудлараро ва гуманитар алмашинув соҳаларида, бошқа устувор йўналишларда кенгайтиришга хизмат қиласиган қўшма лойиха ва дастурларни илгари суришга алоҳида эътибор қаратилди.

Давлат чегарасини делимитация ва демаркация қилиш бўйича ҳукumatлараро комиссия, шунингдек, Икки томонлама ҳамкорлик бўйича қўшма комиссия ва Чегарадош вилоятлар раҳбарлари кенгаши ишини фаоллаштириш зарурлиги қайд этилди.

Коронавирус инфекцияси тарқалиши оқибатларига қарши курашиб масалаларида ҳаракатларни яқиндан мувофиқлаштириш ва кўмаклашишни давом эттириш мухим экани таъкидланди.

Давлатимиз раҳбари Ўзбекистон қардош Қирғизистон халқининг тинч ва барқарор тараққиёт, фаровонлик ва равнақ сари интилишини ҳар томонлама қўллаб-қувватлашини яна бир бор тасдиқлади.

Манба